



Bou ons kinders vir môre

Sondagskool 3

Lestitel: Ek is verseël

'n Ouerhandleiding

Sondagskooltuisonderrig



Liewe Ouer

Welkom by die les: **“Ek is verseël”**

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus in Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Ek is verseël
Bybelwoord	Handelinge 8: 15 – 17
Lesdoelwit	Ons leer van die betekenis van Heilige Verseëling en hoe dit bedien word. Ons is bly om God se eie te wees.

Lesopsomming:

Die les handel oor die sakrament van Heilige Verseëling.

- Martin, het sy klein boetie, David, se doop ervaar en nou sou David verseël word. Martin het nie verstaan wat doop met die Gees is nie, en die aand het die priester wat die gesin besoek het dit aan hom verduidelik.
- Doop met die Gees is 'n spesiale stap wat ons Heilige Verseëling noem.
- Die apostel plaas sy hand op die persoon se kop en hy sal bid.
- Op hierdie manier sal hulle die gawe van die Heilige Gees ontvang.
- Dit is hoe hulle kinders van God word.
- Die Here is nou nie net hul vriend nie, maar ook hul Hemelse Vader en hulle word deel van 'n groot gesin saam met al die ander kinders van God.
- Slegs apostels kan die Heilige Verseëling uitvoer, want net hulle het die mag en opdrag van God ontvang om dit te doen.
- Die Hemelse Vader is verheug as ons Hom gehoorsaam en sy boodskappers, die apostels en hul helpers, aanvaar.

Wat beteken hierdie les vandag vir ons?

- Heilige Verseëling is 'n sakrament.
- Die apostel stort die Heilige Gees deur handoplegging uit.
- Heilige Verseëling is doop met die Gees en dit is hoe ons kinders van God word.
- Diegene wat verseël is en aan God getrou bly, word die ewige lewe saam met God en sy Seun beloof.
- Ons is bly om verseël te wees en om God se eie kind te wees.



Sommige vrae wat ons kan vra:

1. Wat is Heilige Verseëling?

Antwoord: Dit is die doop met die Gees

2. Wie voer die Heilige Verseëling uit en waarom?

Antwoord: Slegs 'n apostel, want net hulle het die gesag en opdrag van God ontvang om dit te doen

3. Wat word aan ons belowe as ons verseël is en aan God getrou bly?

Antwoord: Die ewige lewe by God en Jesus Christus, sy Seun

4. Wat gebeur as ons verseël word?

Antwoord: Ons word 'n kind van God en God word ons Hemelse Vader. Ons word God se eie en behoort aan Hom.

'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê, Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie.

Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.